

Inissianut Iserit A/S-imit pigineqartunut immaqaluunniit aqunneqartunut torersaarnissamut maleruagassat

Aallaqqaasiut

Iserit A/S-ip torersaarnissamut maleruagassat ingerlatseqatigiiffittut namminersortutut aalajangersarpari, tamatumalu saniatigut Inissianik attartortitsisarneq pillugu Inatsisartut peqqussutaanni nalunaarummilu malittarisassat qaqugukkulluunniit atuuttut atuupput. Iserit A/S maleruagassanik allannguinnissaq pisariaqalerpat allannguinnissaminut pisinnaatippoq.

Inissiamik atuineq

- Attartortoq piffissami attartorfiusumi tamarmiusumi najugaqartussaaitaavoq.
- Inissiami attartukkami najugaqartut amerlassusaat amerlanerpaamik inimi najugaqarfiusumi ataatsimi marluussapput.
- Attartortup inissiarsuarmi najugaqartunut allat eqqarsaatigissavai.
- Nakuusernissamik pissusilersorneq, siorasaarisutut pissusilersorneq, inerteqqutaasunik sakkoqarneq assigisaanilluunniit peqarneq akuersaarneqarsinnaanngillat.
- Piffissami attartorfiusumi attartortoq ingerlaavartumik ukununga akisussaavoq:
 - likkat qalipannissaat aamma/imaluunniit ungalitsersornissaat.
 - Natit suliarinissaat lakkernissaallu.
 - Inissiami attartukkami qisuttaasinnaasut qalipannissaat.
 - likkiusiat, matut, matserfiit, sikaaviit aalaakkaasut, illup iluani atortut il.il. aserfallatsaaliornissaat.
 - Inissiamut attartukkamut, matumut silarlermut, toqqorsivimmut il.il. matuersaatit
 - Inissiami attartukkami matup silarliup paarnaarsaaserfiata aserfallatsaalinissaa taarsernissaalu.
 - Aqqutit tamatumunnga ilanngullugit ruujorit, kiassaatit, erruiviit aamma innaallagissamut ikkuffiit mianersorluinnarluni aserfallatsaaliornissaat.

Inissiap attartukkap ilua

- Issitsillugu igalaat teqeqqui alliit allartertarnissaat pisariaqarsinnaavoq. Igalaat aneerasaartarfimmullu matup listimik ussissarlugit ukiumut ataasiarlutit silikonemik tanittakkit. Taakku listit aputeqartinnaveersarneqartariaqarput sermeqartinnaveersarneqartariaqarlutillu.
- Igalaat matullu anorersuartillugu matoqqatinneqassapput.
- Igalaakku aneerasaartarfiullu matuatigut ledningeqarnissaa imaluunniit sarfalersuinissaq inerteqqutaavoq, listit ussissaatit aserorneqartarmata.
- Kuuffiit tamaasa eqqiarneqartarnissaat attartortumit qulakkeerneqartassapput, taamaalilluni kuuffiit milittoornissaat tamatumalu kingunerisaanik imermik ajoqusiinissaq pinngitsoorneqassapput.
- Aalamut milluaasup filteria pisariaqarnera malillugu akulikitsumik ingerlaavartumillu eqqiarneqartassaaq.

Silaannarissaaneq illullu iluata silaannaa

- Ullormut ataasiarlutit marloriarlutilluunniit minutsini tallimani-qulini noqqoruutsitsillutit silaannarissaalluarterit. Silaannarissaanermi kiassaait qamikallartakkit sakkukilligallarlugilluunniit.
- Inimi silaannarissarfeqanngippat illup iluani atisanik manisinissaq pinaveersaaruk, silaannaq isugutannerulertarmat.
- Uffartillutit matu matoqqatittaruk, taamaalilluni isugutak uffarfimmi silaannarissarfikkut aniarujoorniassammat.
- Silaannarissarfiit mekaniskiusut milinnagit, ammarnagit nikisinnagilluunniit, tassami silaannarissarfiit naligiikkunnaarnerannik kinguneqartarmat.

Pujortarnej ikumatitsinerlu

- Ataatsimoorussani pujortarnej innermillu ikumaartitsineq inerteqqutaapput.
- Inissiani attatukkani pujortarnerup kingunerisaanik ajoqusiinernik (nikotiini), nanerusisaarnermit ajoqusiinernik iluarsaassineq attartortumit akilerneqassapput.
- Inissiami attartukkami pujortarnissaq inerteqqutaanngippat inissiarsuarmi najugaqartunut allanut akornutaassanngilaq.
- Ataatsimoorussani aneerasaartarfinnilu grilli sarfatortoq gassitortorluunniit atorlugu grillerisoqarsinnaavoq, tamannalu inissiarsuarmi najugaqarfimmilu najugaqartunut allanut akornutaassanngilaq.
- Isumannaatsumik gassinik toqqorsimasuuteqartoqassaaq aamma inatsit malillugu uninngasuuteqartoqassaaq.

Nipiliornej pisorpallunnerlu

- Inissiarsuarmi najugaqartut allat eqqarsaatigalugit sakkut nipiliortartut, assersuutigalugu qillerutit taamaallaat nal. 08:00 - 20:00 akornanni atorreqarsinnaapput.
- Nal. 20:00-ip kingorna inissiami attartukkami, tummeqqani, aneerasaartarfinni naqqilluunniit iluini nipiliorluni pinnguarnertit inerteqqutaapput.
- Raadiu, fjernsyni nipilersornermilu atortut inissiarsuarmi najugaqartunut allanut akornutaasumik atorreqassanngillat.
- Aaqqissuussinerni anginerusuni assersuutigalugu kaffillernermit inissiarsuarmi najugaqartunut allanut ilisimatitsisarnissaq innersuussutigineqarpoq.
- Inissiarsuarmi najugaqartunut allanut akornutaasumik nipiliorluni festertoqaqqusaanngilaq.
- Unnukkut nal. 21:00-ip tungaanut errorsiviit, panersaaviit aamma sigguiviit atorreqarsinnaapput
- Uumasuutit nipilioqqusaanngillat arlaatigulluunniit inissiarsuarmi najugaqartunut allanut akornutaassanngillat.

Uumasuuteqarneq (qimmeq qitsullu)

- Iserit A/S-imit allakkatigut akuersissummik peqqaarsimatinnani uumasuuteqartoqaqqusaanngilaq.
- Pisuni aalajangersimasuni uumasuuteqartoqarnissaanut akuersisoqassanersoq Iserit A/S-ip aalajangissavaa.
- Ilaqutariit ataatsit illuanni affarleriinniluunniit aallaaviatigut uumasuuteqartoqarsinnaavoq.
- Pingaarnertulli qimmit iluaqutitut atugaasut, assersuutigalugu tappiitsut qimmiisa politiillu qimmiisa uumasuutigineqarnissaat tamatigut akuersissutigineqartarput.
- Piffissami pulaarfiusumi uumasup inuttaa inissiamiippat uumasunik *pulaartoqarsinnaavoq*.
- Attartortoq uumasuuteqarnissamut akuersissuteqaraluarpalluunniit allat sinnerlugit uumasunik *paarsinissaq* inerteqqaavoq.

Inissiap attartukkap silataa

- Aneerasaartarfimmik tummeraqarfinnillu attartortup najugarisaata silataaniittunik attartortoq eqqiluisaartitseqataassaaq.
- Allagartalersuineq (matumi allagartat minillugit), antenne, parabolit, silami illut saqqaanni qaammaqqusersorneq assigisaalu allakkatigut Iserit A/S-imit akuersissutigineqaaqaassapput. Antenninut /parabolinut il.il. attaviit pillugit sullinneqarnerit attartortup akisussaaffigai.

Ataatsimoorussat, quit, aneersaartarfiillu

- Sikkilit, aneerussiviit, kælkit pequtillu allat tummeqqanut, tummeqqat sangoriaannut, aneersaartarfinnulluunniit iliorarneqaqqusaanngillat. Taakkununnga ilioraavissatut naatsorsuussanut inissinneqassapput.
- Pigisat quiniissinnaasutut allassimasut / takutinneqartut quini ataatsimoorussani taamaallaat uninngasuutigineqarsinnaapput. Unioqqutitsilluni pequtinik uninngasuutigineqartunik peersineq Iserit A/S-ip akisussaaffiginngilaa.
- Inissiarsoq iigai qisuttaaluunniit titartuiffigineqaaqqusaanngillat, kigartorneqaqqusaanngillat qalipanneqaqqusaanatilluunniit.
- Eqqagassat tummeraqarfinnut eqqaaveqarfiilluunniit natitaanut inissinneqaqqusaanngillat. Eqqaaviit containeriusut atorineqassapput, eqqagassalerinermilu immikkoortiteriviit innersuussutigineqarlutik.
- Inissiarsoq maleruagassat naapertorlugit eqqagassat angisuut sumiiffinnut innersuussutigineqartunut inissinneqassapput.
- Biilit assakaasuisa ikuallattooratarsinnaanerit (toqunartutalimmik pujuliorsinnaanerit) pissutigalugu taakkununnga inissiarsoq iluani tamalaanik toqqorsivimmi uninngasuuteqarnissaq innersuussutigineqanngilaq.
- Tamalaanik toqqorsivinni ininiluunniit assigisaanni ikuallajasunik, soorlu benzinamik, petroleumimik, terpentimik lakkimillu uninngatitsisoqaqqusaanngilaq.
- Tummeraqarfinni qimaaffissianilu atisanik manisisoqaqqusaanngilaq.
- Aneersaartarfinni nerisassanik panertitsineq inissiarsoq najugaqartunut allanut akornutaassanngilaq.

Inissiami attartukkami eqqaanilu ajoqusernerit

- Inissiami attartukkami eqqaanilu ajoquseroqarpat attartortup erngertumik ajoqusernerup killilersimaarnissaanut Iserit A/S-illu oqarasuaataanut 36 30 00-imut attaveqarnissaanut pisussaataavaoq. Matoqqanitsinni pippat vagtip oqarasuaataa attavigineqassaaq.
- Aqqutit (erngup kuuffii, perusersartarfiit, kuutsitsiffiup imiisivittaa, kiassaait assigisaalu) ussiippata attartortoq piaartumik Iserit A/S-ip oqarasuaataanut 36 30 00-imut attaveqassaaq. Matoqqanitsinni pippat vagtip oqarasuaataa attavigineqassaaq.
- Inissiami attartukkami eqqaanilu pinartuunngitsunik ajoquseroqartillugu nalinginnaasumik ammasarfiup nalaani attartortoq Iserit A/S-ip oqarasuaataanut 36 30 00-imut mailianulluunniit iserit@iserit.gl-imut attaveqarsinnaavoq. Ajoqusernerit pinartuunngitsut pillugit vagtip oqarasuaataanut attaveqarnerit (vagtimik aggertitsineq) attartortumit akilerneqassapput.

Inissiami attartukkami allannguutit

- Attartortoq Iserit A/S-imit allakkatigut akuersissummik peqqaartinnani allangortitsisinnaangilaq.
- Allanguisoqarnissaanut akuersisoqarpat attartortoq allannguinnermut atatillugu aningaasartuutit tamaasa akilissavai.
- Attartorneq atorunnaarpat allangortitikkat pissuserisimasamissut inissinneqarnissaat piumasarineqarsinnaavoq. Attartortup inissiap pissuserisimasamissut inisseqqissavaa taassumaluunniit akiligassaanik suliaritinneqassaaq.
- Allannguutit Iserit A/S-imit allakkatigut akuerineqarsimangitsut inissiamik attartukkamik sumiginnaanerujussuartut isigineqarput.

Nutsernermut atatillugu misissuineq

- Attartortoq allamut nuukkuni najukkani ilisimatitsissutigissavaa.
- Nutsernermut atatillugu Iserit A/S piunasaqarnissamut imminut pisinnaatippoq (pisoqalisoorinissamut piffissaq apeqqutaatinnagu).

Inissiamik attartukkamik paarsinerlunnermut torersaarnissamullu maleruagassanik sumiginnaanermut attartortoq taarsiinissamut akisussaasuvoq. Attartortoq torersaarnissamut maleruagassanik qaqugukkulluunniit atuuttunik eqqortitsisimangikkuni, inissiaq paarinerluppagu, aserorteriffigippagu imaluunniit ineqarnermut kiassarnermulluunniit akiitsoqaleruni Iserit A/S attartornermik atorunnaarsitsisinnaavoq.

EQQAAMALLUGU: Torersaarnissamut maleruagassat allanuinaq atuunnatik, ilinnut, inoqutigiinnut, pulaartunullu aamma atuupput!

Torersaarnissamut maleruagassat qaqugukkulluunniit atuuttut pillugit apeqqutissaqaruit Iserit A/S-ip oqarasuaataanut 36 30 00-imut mailianulluunniit iserit@iserit.gl-imut saaffiginninnissannut tikilluaqqusaavutit. Aamma nittartagarput www.iserit.gl takusinnaavat.